

Un ufizio linguistico ladin

Un luó par dute i Ladis, in Ciaśa de comun: algo de bel, algo de noo, par vardà inaante

Da marzo de 'l an pasà 'l é stà daerto danoo, inze ra Ciaśa de comun al terzo pian, el "Sportello linguistico" ladin. 'L é un gnón che no se vâ adora a voltà par anpezan e alora ve spiego ce che vó dî. 'L é un ufizio del Istitut cultural ladin Cesa de Jan de Col de Santa Luzia, agnó che volto par anpezan ra determines de el diretor, i verbales de el consilio culturale, de el consilio de aministrazion e de ra foula de i sozie, e 'l é a disposizion de r'aministrazion de comun par voltà carta aministratives, letres e outro.

Son sùda dapò inaante con un laoro de archiviazion de i files che i vegnirà betude inze un corpus ladin, agnó che se podarà sî a ciatà fora un articolo, 'na poesia, un testo de teatro. Canche 'l é bisoign, colaboro anche con r'Union de i Ladis d'Anpezo, da a i dià 'na man.

Un dei ultime laore che 'l é stà fato da 'l Istitut 'l é un pizo cuaderno de cujina, con rizetes de Anpezo, Col e Fodom: 'l à par fin se fei conosce e aé donca r'ambizion de fei varé ra nostra identità, anche co 'l mestier de fei da magnà. Se el ve pó interesà, podé vegnì a 'l toi, 'l é par deban.

Par sto an s'arae in mente tante projete e s'â tanta voia de fei, par proà de precurà chesto nosc anpezan. Un de chiste 'l é 'na publicazion par i pize da scora.

Chesta aministrazion de comun



Ra Ciaśa de comun de Anpezo, agnó che se ciata chesto noo ufizio ladin.

ra vorarae tienì chesto ufizio, solo che el no n'é ancora tanto consciù.

Se ve vegnise calche idea specifica, 'l Istitut cultural ladin Cesa de Jan 'l à ben acaro de ve dià a voltà cechemai o par outre bisogne, zerte che ogni laoro che se fejarà sarà 'na bela ocajon par se fei conosce e dà valor a ra nostra parlada, cultura, storia e tradizion.

Par in saé depì, ra e-mail r'é

istitutoladino@comunecortina-dampezzo.it

El telefono 'l é 0436/4291 (interno 248)

website: www.istitutoladino.org Chesto ufizio 'l é daerto a ra sènte da 'l lunes a 'l vendres (foraché i dis da festa) da res 8.30 a res 12.

Elena Salvagni in Gaspari